

***POLELO YA MOKHANSELARA WA WARD 14, CLLR.
MONICCA DINA THOBEJANE DI 24ST JUNE 2008
SEKOLONG SEO SE PHAGAMEGO SA MAGOBANYE
HIGH SCHOOL, DRIEKOP.***

Moswara Marapo

Hlogo ya sekolo

Magoši

Setšhaba ka moka le Bahlomphegi

Thobela,

Ke leboga sebaka seo ke se filwego, sa go bolela le barutwana sekolong sa gešo sa Magobanye. Lehono re kopane fa, re kopantšhwa ke maatla a thuto le go tšweleletša bohlokwa bja yona.

Moswara Marapo

Ke bona gole bohlokwa gore pele ke elela ka polelo ke laetše dithla tše pedi - tše tharo mabapi le maemo a bjale ka mo nageng. Kgwedi ye ya June, ke kgwedi ya baswa, kwišišo ya ka ke gore barutwana ke baswa. Bjale ka baswa ba ka mo nageng le tsebeng gore le baetapele ba ka moso. Naga ye e itshephile lena ka ge ele gore išago ya Afrika Borwa e matsogong a lena bjalo ka barutwana ba Magobanye le baswa ba Afrika Borwa.

Thuto e bohlokwa, lehono Afrika Borwa e moo elego gona ka lebaka la thuto. Mo mengwageng ya peleng ya apartheid (kgatelelo), go be go se bobebe go batho baso go fihlelela dithuto go akaretšwa le thekgo ya mašelang. Efela mabaka bjale a fetogile, go nale dibaka tse ntšhi(opportunities). Go nale

dikgoro tša mmuso tše ntšhi, tšeo di abago di bursaries, go akaretšwa le makala a mangwe a praevelte.

Tubatse e humile ka di maene, ka ka moo masepala o hlohletšago barutwana šomiša dibaka tšeo ele ge ba beakanya išago ya bona.

Bjale ka mmasepala re tutueletša barutwana ka moka, go tsena sekolo ka botshephegi, ka ge thuto ele bokamoso bja batho ka moka ka mono nageng. Le gona, go bohlokwa gore bjale ka barutwana le itsebe le ikwisiše gore le nyaka eng, le nyaka bokamoso bja lena bo tšea lemanoga le lefe.

Lemogang gore diphetho tšeo re di tšeago lehono, ke tšona di tlogo re beakanyetša bokamoso bja rena. The decision you make today, determines your future and your destination. Ge o tšea sephetho sa go tsena sekolo lehono, o tsebe gore o thomile go beakanya bokamoso bja gago.

Ke hlohleletsa barutwana, go tsena sekolo, go hlompha barutiši ba bona, gore le barutiši ba kgone go šoma le lena gabotse, go dira mošomo wa sekolo ka lerato, go hlompha batswadi ba bona, le go ba la phišagalelo ya go humana tshedimošo malebana le dibaka tšeo di lego gona tša thuto le kadimošo ya mašeleng a praevelte le a setšhaba.

Le barutiši le bona, bana le tema ye kgolo yeo ba tshwanelago ke go e kgatha go ageng bokamoso bja barutwana le setšhaba kakaretšo.

Batswadi b arena, bana bat soma thekgo ya lena. Are hlohleletšeng bana go tsena sekolo le go hlalosa bohlokwa bja thuto.

Setšhaba ka moka se nale maikarabelo, a re gateng ka mošito o tee o ageng setšhaba sa thuto. Ka thuto dilo ka moka di a kgonagala.

Moswara Marapo,

Ke rata go ruma ka gore, Kgwedi ye ya baswa a re e somišeng go phatlalatša molaetša malebana le bohlokwa bja thuto, le tema yeo e kgathilwego ke baswa ba 1976.

Ke a leboga.

dipeakanyo tša ditšhelete mengwageng ye e fetilego go tloga ka 2006/2007 le 2007/2008.

Ngwageng wa 2006/2007 re kgonne go fihlelela tše di latelago:

Masepala o šomišitše dimillione tše masome hlano (R5m) diprojekeng tša kabo ya meetse, mafelong ao a latelago Malokela, Penge, Mašamothane, Ngwaabe, Bothashoek, Ga-Motodi le Praktiseer.

Gwa šomišwa gape dimillione tse tšhelelago (R6m), go lokiša le go kaonafatša ditsela tša dinaga-magae, mola dimillione tše seswai (R8m) di šomišitšwe go kaonafatša ditsela tša metse-setoropo. Re sale gona mererong ya go ama ditsela, maemo a sephethephethe toropong ya Burgersfort a kaonafatše kudu. Moela wa difatanaga o sepela gabotse.

Masepela o šomišitše millione o tee fegelwana šupa wa diranta (R1,7m) go hlabolla dirapa tša bao ba ithobaletšego mafelong ao a latelago :

Ga- Mapodile
Orighstad
Praktiseer

Ka moka tše, Moswara Marapo, di bontšha gabotse gore Masepela o tseleng ya maleba ya go phethagatša dihlologelo tša

setšhaba le go kaonafatša maphelo a badudi go ya ka tshephišo ya mokgatlo woo o bušago wa African National Congress.

Masepala wa rena o kgonne go amogela sefoka sa Vuna go tšwa Kgorong ya Merero ya Mengwako le Mebušo Selegae, lekaleng la Good Governance and Public Participation.

Diphathišišo tšeo di dirilwego ke UNISA, di utullotše gore masepala wa Tubatse o go, diperesente tše šupa fegelwana nne (7,04%) godimo ga tše lesome(10%), go lebeletšwe mananeo a kabo ya ditirelo.

Moswara Marapo

Mo ngwageng wa ditšhelete wa 2007/2008 re kgonne go fa Makhanselara a rena le Ma Ward Committee thlahlo ya gore ba kgone go dira mošomo wa bona ka Bokgwari le Bokgoni.

Badudi ba dikete tše masome nne nne (44 000) ba mo Tubatse ba kgonne go amogela Mohlagase wa Mahala, godimo ga bona ba dikete tse masome tharo senyane e le bahlaki-hloki.

Badudi ba dikete tse šupago fegelwana tee (7 193) ba kgonne go ipeakanyetša Alternative Energy.

Re kgonne gape go reka dikgerekgere tša go lokiša ditsela kua Metse Magaeng.

Re tsentše letsogo gore Motseng wa Manoke le Magakala gore ba kgone go tlo Thumaša mohlagase wa bona.

Re kgonne go thwala bo Rasephethephethe gore ba kgone gore thuša ka taolo ya pitlagano ya dikoloi le batho toropong ya Burgersfort. Dimaene tša mo ga gabo rena di kgonne go re thuša ka mašeleng a go lekana dimillione tše masome pedi (R20 million) go aga dikolo, kabo ya mohlagase le meetse.

Moswara Marapo,

Ge ke bolela ka tsela ye lehono, dia-pholo (High Mast Lights) dia thumaša motseng wa Ohrigstad, Ga-Mathule, Ga-Malekana le Driekop. Batho ba gešo ba ikhuditše go phema bo Mae- Mae le bo tlhoka-ina ba bošego ka maswiswi.

Go bonagetše gore ntle le tše botse tše re di laeditšego mo ngwageng wa 2007/2008, re sa ntše re kopana le mathata a gore badudi ba bangwe ga ba lefele ditirelo tša Masepala. Ba bangwe ba goga maoto. Go bonagetše gape gore kabo ya ditirelo tša meetse, metse-magaeng, e sa le tlhoba-boroko.

Kabo ya ditirelo tša mohlagase metse-magaeng (rural areas) e sale tlhoba-boroko, gape. Bjale ka mmasepala wa selegae, Mmušo wa Gare ga se wa re fa maatla le maswanedi, a go aba ditirelo tša Mohlagase. Seo re se dirilego bjale ka masepala, re emišitše ka lenaneo la go aba ditekanyetšo tša mohlagase, eupša re swere dipoledišano tše di tseneletšego le ba Eskom, Department of Minerals and Energy le Masepala wa Selete wa Sekhukhune ka maitekelo a go tšwetša pele lenaneo la mohlagase.

Moswara Marapo,

Le ge bare go kwa ga o kwelwe, Megwanto ya boipelaetšo mabapi le kabo ya ditirelo kudu meetse, mohlagase le ditsela re kwele. Sa rena, e tloba go šoma ka thata go bona gore ditlhologelo tša setšhaba di a phethagatšwa.

Mo ngwageng woo wa ditšhelete, masepala o lebeletše gore o tlo ikgobokeletša mašeleng ago balelwa go dimillione tše masome tshela tshela fegelwana nne (R66 420, 652) go tšwa go ba lefela ditirelo tša mmasepala (rate payers).

Masepala o tlo fokoletša bao ba lefago ditirelo tša assessment rate ka dimillione tše lesometshela (R16m).

Moswara Marapo,

Go lebetšwe gape gore, masepala o tlo humana mašelang a go balelwa go dimillione tše masome tshela nne fegelwana pedi (R64 236.850) go tšwa mmušong wa gare.

Masepala o tlo buša wa kgoboketša mašelang a go balelwa go go dimillione tše lesome tee fegelwana šupa (R11 734.615) go tšwa go tše dingwe tša ditirelo tša go lefelwa (Traffic Fines).

Mo ngwageng wo wa ditšhelete wa 2008/2009, masepala o ikemišeditše go šomiša tšhelete ya go lekana dimillione tše masome nne tshela fegelwana šupa (R46 720 198) go lefela megolo ya Bašomi ba Masepala bao re swarišaneng le bona go tšweletša kabo ya ditirelo pele.

Tekano ya dikete tše masome pedi tharo (R23 000) di beetšwe ka thoko go tlaleletša ditekanyetšo tša Profense mererong ya Magoši.

Tekano ya dikete tše makgolo seswai masome senyane pedi (R892 000) e beetšwe ka thoko go lebelelana le ditefelo tša di Ward Committees.

Tekano ya dimillione tše lesome fegelwana seswai (R10 863 977 million) e beakantšheditšwe tshepidišo go Makhantshelara a rena.

Masepala o beetše ka thoko mašelang a go lekana dikete tše lekgolo masomepedi (R120 000) go hlokomela merero ya kabo ya di bursary.

Masepala o beetše ka thoko dikete tše makgolo a senyane (R900 000) go lebellana le mananeo le diprojeke tša kantoro ya Meyara

go swana le HIV/Aids, Baswa, Basadi, Bagolofadi, Bana, Komiti ya go fetola Maina le di Imbizo.

Tekano ya dimillione tše nne fegelwana hlano (R4,5m) di beetšwe ka thoko go lebelelana le go agwa ga di Community Halls.

Tekanyetšo ya dimillione tše pedi fegelwana šupa (R2 762 800 Million) di beakanyeditšwe go lefela ga mekitlana yeo e dirilwego.

Tekanyetšo ya dimillione tše hlano fegelwana nne (R5, 4 million) di beakanyeditšwe go reka bo matipana ba ba bedi, sekgora tsela, TLB e tee, Vene tše pedi go feleletša lenaneo la go rekwa ga dikgerekgere.

Tekanyetšo ya dimillione tše hlano fegelwana šupa (R5.7 million) di beetšwe thoko go agwa ga maporogwana a magaeng.

Tekanyetšo ya dimillione tše lesome (R10 million) di beetšwe thoko go feleletša ditsela tša Praktiseer.

Tekano ya dimillione tše hlano (R5 million) di beetšwe thoko go feleletša tsela ya toropo ya Burgersfort.

Moswara Marapo,

Masepala wa Selete wa Sekhukhune o tsentshe letsogo ka tšhelete ya go lekana dimillione tse masome seswai senyane (R 89 Millon) go ditirelo tša meets, metseng yeo e latelago:

Batau, Mabocha, Motlailane, Motshana le Makotaseng.

Magagešo, bo seka bo eja re sa letetše letamo la De Hoop.

Kgoro ya merero ya mengwako le mebušo selegae e abile mengwako ye makgolo a mararo (300) mo di wateng tše šupago.

Mengwako ye masome hlano e tlo fiwa bagolofadi. Mengwako ye makgolo masome nne-nne (344) e tla feleletšwa go agwa ngwageng woo wa ditšhelete.

Bothata bjo re lebanego nabjo, mo lenaneong la kabo ya mengwako ke gore badudi bangwe ba šomiša mengwako ya mmušo bjalo ka mabenkele a go rekiša.

Re tlo tswela pele go šomišana le Magoši a rena go tšwetša pele lenaneo la kabo ya mobu.

Mmasepala o beetše ka thoko millione o tee fegelwana senyane (1,9m) kabong ya mohlagase wa mahala (Free Basic Electricity).

Tekano ya dikete tše makgolo a mararo (R300 000) di beetšwe ka thoko kabong ya ditirelo tša meetse a mahala (Free Basic Water)

Se, se ra gore, ditekanyetšo tsa masepela ngwageng wa ditšhelete wa 2008/2009, di balelwa go dimillione tše lekgolo masome šupa tharo (R173279. 117) yeo elego Operational Budget ya dimillione tse lekgolo masome nne pedi (R142 392 117m) le Capital Budget ya dimillione tše masome tharo fegelwana seswai (R30 887m).

Moswara Marapo

Mmušo wa Gare, wa Profense le Masepala wa Selete ba tlaleleditše ditekanyetšo tša masepala ka tsela yeo e latelago:

SANRAL o tsentshitše letsogo ka R17 million ya go fokotša pitlagano ya dinamelwa toropong ya Burgersfort.

Mmušo wa Limpopo ka Kgoro ya Ditsela le Dinamelwa o tsentshe letsogo ka R99 million go tsenya sekontiri di tseleng tše di latelago:

Tukakgomo, Mampuru go fihla Ga-Malekana

Go tloga Morulaneng go fihla Malokela

Go tloga Driekop Cross, Maandagsoek go fihla Sekiti.

Go bonagetše mo mengwageng yeo fetileng ya ditshelete, gore rele mmušo re ka se kgone go aba ditirelo ntle le gore re hlome setswalle sa tšhomišano le makala a mangwe a setšhaba go etša dimaene :

Modikwa,

Marula

Dwarsrevier

Xstrata Alloys

Eastern Mines

Samancor le

Twickenham

Dikgoro tsa mmuso ka moka

Mmasepala wa Selete

Kantoro ya Tonakgolo le setshaba kakaretso

“Tau tša hloka seboka di šitwa ke nare e hlotša”

Moswara Marapo,

Maikemišetšo magolo a ditekanyetšo tšeo ke sa tšwago go di ala, tša ngwageng wa ditšhelete wa 2008/2009 ke go kgonthišiša gore badudi ba dinaga-magae le ditoropong ba holega go lekana. Nka dira phošo ye kgolo kudu, ge nka se bolele ka bothata bjo bo diregilego ka mono nageng mo dibekeng tše mmalwa tša go feta. Re bone ba bangwe ba badudi ba Afrika Borwa ba hlasela bana ba gabo rena bao go tšwa dinageng tše dingwe. Tubatse e humile ka dimaene ka fao e gokagoketša badudi ba dinaga mabapi. Ka go realo magagešo, go nyaka gore re ipope ngata e tee, re šomišane le go phedišana gabotse, go thibela ditiragalo tša mohuta woo. Ke tutuetša Ba-Tubatse ka moka le bana ba Sekhukhune gore a re beng le botho, re se tle ra itshegisa ka batho. A re beng bana ba kgobe.

Moswara marapo,

Ke leboga, Makhansellara, Bašomi ka moka ba Masepala go ya ka maemo a bona a go fetafetana boetepeleng bja Phaahle Malepeng, di Ward Committees tša rena le Dikomiti ka moka tšeo di kgathago tema go tšwetšeng pele Masepala le Setšhaba sa Thulare.

Ke a leboga.